

Kynning á frambjóðendum til stjórnar Starfsmenntunarsjóðs BHM og í Kjara- og réttindanefnd BHM

(Ath. frambjóðendur til stjórnar BHM kynna sig á aðalfundi)

Framboð í stjórn Starfsmenntunarsjóðs BHM



Sigurlaug María Hreinsdóttir, FÍN.

- Fagstjóri á veg- og jarðtæknideild RB hjá Nýsköpunarmiðstöð Íslands
- Stjórn FÍN 2017-
- Stjórn JFÍ 2012-
- Trúnaðarmaður FÍN 2014-
- Hef áhuga á starfi Starfsmenntunarsjóðs BHM



Eydis Dóra Sverrisdóttir er aðili að Félagsráðgjafafélagi Íslands og býður sig fram í stjórn Starfsmenntunarsjóðs BHM. Eydis lauk námi í félagsráðgjöf til starfsréttinda frá Háskóla Íslands árið 1998 og meistaranámi í félagsráðgjöf árið 2001 frá State University of New York. Árið 2004 lauk hún kennsluréttindanámi frá Háskóla Íslands. Frá því að Eydis lauk námi hefur hún lengst af starfað sem félagsráðgjafi hjá Reykjavíkurborg. Frá árinu 2006 hefur hún starfað við einstaklings- og fjölskylduráðgjöf á Þjónustumiðstöð Breiðholts.

Ég heiti **Halla S. Sigurðardóttir** og er félagsmaður í Kjarafélagi viðskipta- og hagfræðinga. Ég er með BA próf frá Háskóla Íslands, MBA próf frá Strathclyde Graduate School of Business í Glasgow og diplómu í opinberri stjórnsýslu frá Háskóla Íslands. Núverandi vinnustaður er Samgöngustofa en áður starfaði ég hjá Flugmálastjórn Íslands og enn þar áður í þrjú ár hjá Bandalagi háskólamanna eða á árunum 1999-2002. Þar hélt ég m.a. utan um starfsmenntunarsjóð BHM og vann alla undirbúningsvinnu og sá um afgreiðslu umsókna eftir fundi. Einnig var ég sjóðsstjóri hjá Styrktarsjóði á fyrsta starfsári sjóðsins, ásamt því að stýra undirbúningsvinnu fyrir stofnun sameiginlegrar þjónustumiðstöðvar BHM. Hjá Samgöngustofu starfa ég sem framkvæmdastjóri samhæfingarsviðs, einnig er ég staðgengill forstjóra. Ég hef verið fulltrúi Kjarafélags viðskipta- og hagfræðinga í Starfsmenntunarsjóðnum í u.þ.b. 7 ár, þar hef ég tekið þátt í undirbúningi og breytingu á reglum sjóðsins, ásamt því að fjalla um styrkumsóknir sem starfsfólks sjóðsins vísar til frekari afgreiðslu hjá stjórn sjóðsins. Ég hef einnig starfað sem skoðunarmaður ársreikninga hjá KVH í nokkur ár. Ég gef kost á mér til áframhaldandi setu í stjórn sjóðsins.



Ester Ósk Traustadóttir félagi íslenskra félagsvísindamanna
Er með B.A. próf í uppeldis- og menntunarfræðum frá HÍ og M.A. gráðu í
boðskiptafræðum (communication) frá Háskólanum í Lundi, Svíþjóð.

Starfsreynsla
Verkefnastjóri, þróun styttri námskeiða Byrja 1. júní 2018
Endurmenntun

Viðskiptastjóri / Verkefnastjóri innrives
Lýsi hf., stórnotendadeild 2010 — 2018

Markaðsstjóri 2009 — 2010
Íslenskir Fjallaleiðsögumenn

Upplýsinga- og kynningarfulltrúi 2007 — 2009
Velferðarsvið Reykjavíkurborgar

Verkefnastjóri hjá Háskóla Íslands 2005 — 2007
Fyrst Menntasmiðja KHÍ og síðar Rannsóknþjónustan

Kynning

Ég farin að hafa meiri tíma á mínum höndum þar sem börnin eru orðin stálpuð og finnst því upplagt að láta til mín taka í félagsmálum. Vil taka að mér ofangreint embætti þar sem mér finnst tilhugsunin um að virkja fólk til persónulegs og starfstengds þroska góð, og tel að það náist með því að gera fólki kleift að sækja sér styrki úr sjóðum eins og Starfsmenntasjóði BHM.

Framboð í Kjara- og réttindanefnd BHM



Ég heiti **Helga S. Sigurðardóttir** í KVH og hef áhuga á að starfa fyrir Kjara-og réttindanefnd. Ég er rekstrarhagfræðingur að mennt og er í stjórn Kjarafélags Viðskiptafræðinga og hagfræðinga. Hef ég samhliða vinnu undanfarin ár verið mastersnámi í skattrétti og reikningsskilum sem er þverfaglegt nám milli lögfræði-og viðskiptafræðideildar við Háskóla Íslands en aðeins ritgerðin er ókláruð. Ég hef starfað m.a. hjá Þróunarsamvinnustofnun Íslands, Neytendastofu, fjármálaráðuneytinu o.s.frv. einnig hef ég setið í samningarnefnd fyrir hönd KVH við SNR og hef ég ætíð haft mikinn áhuga á kjara og réttindamálum. Ég er jákvæð og von að vinna með öðrum og hef talsvert mikla reynslu af að vinna sjálfstætt og sýni frumkvæði og á auðvelt með að sjá ólík sjónarhorn á málum. Ég hef ágæta reynslu af að vinna innan tímamarka og vinn vel undir pressu. Ég er bæði töluglögg og hef góða mats og greiningar hæfileika og tel ég að þeir eiginleikar munu nýtast vel í Kjara-og réttindanefnd.



Helga Birna Ingimundardóttir, framkvæmdastjóri Félags háskólakennara

Ég býð mig fram í kjara- og réttindanefnd BHM vegna brennandi áhuga á málefnum. Ég hef starfað í stéttarfélagsgeiranum frá árinu 2000, þegar ég réð mig sem hagfræðingur hjá Félagi íslenskra hjúkrunarfræðinga. Í núverandi starfi sem framkvæmdastjóri Félags háskólakennara er viðfangsefni hvers vinnudags kjara- og réttindamál félagsmanna. Ég tel því að bæði reynsla mín og menntun nýtist vel í þeim verkefnum sem kjara- og réttindanefnd BHM sinnir.

Starfsferill:

feb. 2009 -	Framkvæmdastjóri Félags háskólakennara (FH).
nóv. 2007 – feb. 2009	Verkefnastjóri HugGarðs.
feb. 2000 – okt. 2007	Hagfræðingur Félags ísl. hjúkrunarfræðinga.

Menntun:

sept. 1988 – júní 1991	Háskóli Íslands – hagfræðiskor. BS próf í hagfr.
sept. 1984 – maí 1988	Verslunarskóli Íslands. Stúdentspr. – hagfr.deild.

Nefndir og stjórnir:

Fulltrúi FH í kjara- og réttindanefnd BHM, maí 2010–2014 og 2015–2017.
Fulltrúi FH í lífeyrisnefnd BHM, maí 2009 –
Ferðakostnaðarnefnd ríkisins, desember 2007 –
Fulltrúi FH í miðstjórn BHM, febrúar 2009 – 2011.
Sjúkrasjóður BHM. Stjórnarmaður og gjaldkeri, 2000 – 2010.
Lífeyrissjóður hjúkrunarfræðinga. Varamaður í stjórn 2001 – 2007.
Fulltrúi Félags ísl. hjúkrunarfræðinga í miðstjórn BHM, 2000 – 2007.
Ýmsar samstarfsnefndir Fih og stofnana 2000 – 2007.
Vinnuumhverfisnefnd BHM, 2003 – 2007.
Nefnd um almenna markaðinn BHM, 2000 – 2006.
Samninganefnd samflots BHM, 2004 – 2005.
Trúnaðarmannakerfisnefnd BHM, 2003 – 2005.



Laufey Elísabet Gissurardóttir, formaður Þroskaþjálfafélags Íslands

Ég býð mig fram til áframhaldandi setu í kjara- og réttindanefnd BHM. Ég hef verið formaður ÞÍ síðustu átta ár og hef verið formaður samningsnefndar ÞÍ í samningum við ríkið, Reykjavíkurborg og Samband íslenskra sveitafélaga. Í kjara- og réttindanefnd BHM hefur verið gefandi að vinna með öflugum fólki að því markmiði að efla launatölfraði fyrir aðildarfélög BHM, gagnagrunn BHM og koma að kjara- og viðhorfskönnun BHM og öðrum rannsóknum svo eitthvað sé nefnt.

Í dag tel ég mikilvægt að leggja áherslu á að efla launaupplýsingar hjá þeim aðildarfélögum BHM sem hafa félagsmenn sem vinna hjá Reykjavíkurborg og öðrum sveitarfélögum og halda áfram öflugri umræðu innan BHM um kjara og réttindamál.